


Pathian Kawng





Pathianin Khawvel Leh A Chhunga Thil Awm Zawng Zawng A Siam

Atirin Pathianin lei leh van a siam a.

Genesis 1:1

Amahah chuan engkim siam a ni a, vana awmte,
leia awmte nen.

Kolossa 1:16a

Lei leh van siamtu Lalpa malsawmna dawngtu
in ni. Vante khi Lalpa vante a ni a, leilung erawh hi
chu mihring fate a pe a ni.

Sam 115:15-16

Pathianin he khawvel hi mihring hnena a pek laiin
engkim a famkim a ni.

Pathianin Min Siam



Tin, Pathianin, “Kan anpuin, keimahni ang takin mihring siam ila, anni chu leilung chhunga thil awm zawng zawng chungah thu i neihtir ang u,” a ti a.

Genesis 1:26a

Mihring Chu Mi Nung A Ni Ta

Tin, Lalpa Pathianin leia vaivutin mihring a
siam a, a hnarah chuan nunna thaw chu a thaw lut
a: tichuan mihring chu mi nung a lo ni ta.

Genesis 2:7

Tin, Lalpa Pathian chuan, “Mihring amah
chauhva awm hi a tha lo ve: amah tanpuitu tur a
kawppui awm mi ka siamsak teh ang,” a ti a.
Tichuan Lalpa Pathian chuan Adama chu tui takin
a muthilhtir a, tichuan a muhil ta a: tin, a nâkruh
pakhat a la a, chu mi ai chu tisain a aw h phuitir ta
a: tin, Lalpa Pathian chuan Adama laka a lak nâkruh
chu hmeichhiaah a siam a, Adama hnenah a hruai
ta a.

Genesis 2:18a, 21-22

Adam Leh Evi Chuan Pathian Thu An Bawhchhia



Setana tawngkam chu engtikahmah kan zawm tur
a ni lo.

Tin, Lalpa Pathian chuan mihring chu a hruai a, Eden huanah chuan a enkawl leh a veng turin a dah ta a. Tin, Lalpa Pathian chuan mihring hnenah chuan, “Huana thing tinreng rahte hi i duh duhin i ei thei e; a chhia leh a tha hriatna thing rah erawh hi chu i ei tur a ni lo; i ei chuan i ei ni la lain i thi ngei tur a ni,” tiin thu a pe a.

Genesis 1:15-17

Rulpui, ramhuai leh Setana tia koh chuan Pathian thuneihna rinhleh awm tur zawhna a siam a, dawt a sawi.

Tin, rûl chuan hmeichhe hnenah chuan, “Thi teh suh e,” a ti a. Tichuan hmeichhia chuan thing rah chu ei mi a ni tih leh, mit la tak a ni tih leh, mi tifing turin thing rah itawm tak a ni tih a hriat chuan a rah thenkhat chu a lo va, a ei ta a; tin, a pasal a pe ve a, ani pawhin a ei ve ta a.

Genesis 3:4,6

Adama Leh Evi Chu Eden Huanah An Awm
Thei Tawh Lo



Lalpa Pathian chuan amah a lâk chhuahna lei
chu let turin Eden huan ata chu a tir chhuak ta a.
Tin, nunna thing kawng chu vêng turin Eden huan
chhak lampangah chuan Cherub-te leh mei khandaih
vir tawn zawk zawk chu a awmtir ta baw k a.

Genesis 3:23b,24b

**Adama Leh Evi Thil Tih Sual Avangin
Mihring Thlahte Tan Inchhir Thlak Tak Ni
A Lo Thleng Ta**



Chutichuan mi pakhat avangin sual khawvelah
a lut a, sual avangin thihna a lut bawk a, chutiang
bawkin mi zawng zawngin thil an lo tisual avangin
thihnain mi zawng zawng a fan chhuak ta a.

Rom 5:12

Chhinchhiah Tur Tlem

Mi tin hian pianpui sual puin kan lo piang a, sual
avangin thihna a thleng a, kan thi vek dawn a ni.

Kan Sualte Chhandam Turin Pathian A Fapa Mal Neih Chhun A Tir



Mihringa chang turin Pathian Fapa chu nausen
ah piangin a lo kal ta.

Fapa a hring ang a, a hmingah ISUA i sa ang;
ani chuan a mite an thil tihsual lakah a chhandam
dawn si a.

Matthaia 1:21

Amahah chuan Pathian famkimna tinreng chu
taksa neiin a awm reng si a.

Kolossa 2:9

Isua Chu Pathian A Ni - Mihringa Chang Chu

Atirin Thu a awm, Thu chu Pathian hnenah a awm, Thu chu Pathian a ni. Tin, Thu chu tisaah a lo chang a, kan zingah a awm ta a.

Johana 1:1,14a

Tin, Lalpan zawlnei kaah, “Ngai teh, nula thianghlim chu a rai ang a, Fapa a hring ang a, a hmingah Emmanuela an sa ang,” tia a sawi kha a lo thlen theihna turin chung zawng zawng chu a lo awm a ni.

Matthaia 1:22,23

Kan tan naupang a lo piang a, fapa pekin kan awm ta a; rorelna chu a kokiah a chuang ang a; a hmingah chuan Maka, Remruattua, Pathian Chaka, Chatuan Pa, Remna Lal an ti dawn si a. Isaia 9:6

Isua Krista - Kan Sualna Avanga Tuartu



“...Ani chu soal
reng reng hre lo ...”

2 Korinth 5:21

“...Ani chuan thil reng a tisual lo...”

1 Petera 2:22a

Mihringina inthawina kan neih hian kan soal tlengfai
turin a famkim lo.

Bawngpate leh kêlte thisen chuan sualte tibo thei
rual a ni si lo.

Hebrai 10:4

Isua chu Pathian Beram No a ni. Tin, Johanan,
“En teh u, Pathian Beram No, khawvel soal kalpuitu
tur saw!” tiin a sawi a.

1 Johana 1:29b

Isuan Chhandam Kan Ni Turin A Nun A Pe

Isua chu amah hawtu mi nunrawng te avangin thing kraws chungah khenbehin a awm a. Mahse a thihna hi Pathian remruat a ni. Isuan nang leh kei chu kan soal lak ata chhanchhuak turin ama duh thlanna ngeiin a nun a pe.

Isuan, “Tuman min laksak lo vang, keima thu thuin ka pe zawk dawn a ni. Pe thei ka ni, la leh thei pawh ka ni,” a ti a.

Johana 10:18a


Pathian Beram No Thisenin Soal Ata Min Tlan Chhuak A Ni

In thlahtute pek chhawn, in awm dan engkhaw ni lawilo lak ata chu, thil chhe thei, tangka leh rangkachaka tlan in ni lo va, beram no hmelhem lo leh bawlhhlawh kai lo thisen anga Krista thisen hlu chuan tlan in ni zawk tih in hre si a.

1 Petera 1:18,19

Inthawina Dangte Chuan Kan Soalte A La Bo Thei Lo

Isua Krista taksa vawi khata hlan nghal vang khan tihthianghlimin kan awm ta. Hebrai 10:10b



“Tih tak
meuhvin ka
hrilh a che
u, vawiinah
hian ka
hnenah
Paradisah i
awm ve ang.”
Luka 23:43b

He rukru
chuan Isua
a ring a,
chhandamin
a awm.

He rukru
chuan Isua
a ring lo va,
chhandamna
a nei lo

A thisena thiam chantira kan awm tawh hnu
hian, amah avangin Pathian thinurna lak ata chu
chhandamin kan awm ngei ang.

Rom 5:9b

“Isu, i ram i thlen hunah min hre reng ang che.”

Luka 23:42b

Mi sualte kan la nih lai pawhin Krista chuan
kan aiin a thi a.

Rom 5:8b

Pathian Fapa Ringtu Chuan Chatuan Nunna An Nei Ang

**Pathianin khawvel a hmangaih em em
a, chutichuan a Fapa mal neih chhun a
pe a, amah chu tupawh a ring apiang an
boral loh va, chatuana nunna an neih
zawk nan.**

Johana 3:16

Ani chuan thim thuneihna laka min ch-
han chhuakin, a Fapa hmangaih taka ramah
chuan min kaitir ta a; amahah chuan kan
tlanna kan hmu a ni – kan sualte ngaihdamna
chu.

Kolossa 1:13,14

Isua A Tho Leh Ta!



Tin, vantirhkoh chuan hmeichhiate chu a bia a, an hnenah, “Nangni chuan hlau suh u. Isua, an khenbeha kha, in zawng tih ka hria e. Hetah a awm tawh lo ve; a sawi ang ngeiin a thawhleh tawh kha. A mutna hmun hi rawn en teh mah u.”

Matthaia 28:5,6

Isua Chu Thihna Ata Thovin A Nung Ta

Mi Nunga chu ka ni, ka lo thi a, nimahsela ngai
teh, kumkhua atan ka nung leh ta a ni. Thihna leh
Mitthi Khaw chabite chu ka nei baw k a.

Thu Puan 1:18

Keimah ka nun avangin nangni pawh in nung
ve ang.

Johana 14:19b

Krista chuan thihna hnehna leh thuneihna a nei
tawh avangin keini chuan thihna chu hlauh a tul
tawh lo.

Ka hlauh chang apiangin, nangmah ka ring ang
che.

Sam 56:3


Isuan A Chhandam Thei Che A I Tan A

Tawngtai Sak Reng A Ni

Ani erawh chu, chatuana a awm reng avangin,
Amaha Pathian hnena lo kalte chu a tawpkhawk
thlengin a chhandam thei baw k a ni, anmahni
tawngtaisak turin chatuana a nun reng avangin.

Hebrai 7:24a,25b

Nang Leh Kei Chuan Chatuan Nunna Kan Chang Thei Ta



Eng kawng nge i zawh ang?

Isua Krista kawng zawh chu Pathian nena chatuan nunna kan nei theihna kawng pui a ni.

Setana kawng zawh chu chatuana thihna leh boralna kawng a ni.

He naupang hian chatuan nunna kawng dik chu a thlang a ni.

Nang Eng Kawng Nge I Thlan Ang?

“...Vawiinah hian tu rawng nge in bawl dawn
thlang mai rawh u...” Joshua 24:15

Chutichuan nunna chu thlang rawh u, in nun
theih nan, nangni leh in thlahte nen.

Deuteronomy 30:19b

Isua Chu Chatuan Nunna Kawng A Ni

Mi dang tuma hnenah chhandamna a awm lo;
van hnuaia mihring sak zingan, min chhandam tur
hming dang reng a awm lo. Tirhkohte 4:12


Kei, keimah ngei hi, LALPA chu ka ni; keimah
lo chu chhandamtu reng reng an awm lo.

Isaia 43:11

Isua Chu Chatuan Nunna Kan Nei Turin Eng Vangin Nge Kan Thlan?

1. Krista chu he khawvelah a lo kal a.

“...Kei zawng, nun an neih nan, tam taka an
neih nan, lo kal ka ni...” Johana 10:10



2. Krista chu min hmangaiha kan tan a thi.

“... Pathian Fapa chu ... min hmangaiha ka aia
inpetu a ni.” Galatia 2:20b

Amahin thihna thuneitu (chu chu Diabola a ni)
a tihboral theihna tur leh, thih hlauh vanga dam
chhunga bâwiha awm zawng zawngte chu a chhan
chhuah theihna turin. Hebrai 2:14b,15

3. Isua thisen chu kan sualte tan damdawi a ni.

Nunna atana inremna siamna chu thisen ngei
chu a ni si a. Leviticus 17:11b

Fapa Isua thisenin kan sual zawng zawng min
tlenfaisak a ni. 1 Johana 1:7b

Amahah chuan kan tlanna kan hmu a ni – kan
sualte ngaihdamna chu. Kolossa 1:14

4. Krista chu a ni thihna ata tho leh a chu.

Krista chu mitthi zing ata kaihtawhin a awm
a, a thi leh dawn tawh lo tih kan hre si a; thihna
chuan ama chungah thu a nei tawh lo. Rom 6:9

Tin, a nungte chu anmahni tan an nun tawh
loh va, an thih aia thia tholeha tan chuan an nung



tawh zawkna turin a ni, mi zawng zawng thih aiin a
thih ni.

2 Korinth 5:15

Isuan, “Keimah ka nun avangin nangni pawh
in nung ve ang,” a ti a.

Johana 14:19b

5. Chatuan nunna neia kan thawhleh nan
Krista thlarau kan neih a tul a ni.

Krista nangmahnia awm hi ropuina beisei
chhan chu a ni. Kolossa 1:27b

Nimahsela mitthi zing ata Isua titho leh-
tua Thlarau chu nangmahnia a awm chuan,
mitthi zing ata Krista Isua titho lehtu khan,
nangmahnia awm Thlarau zarah chuan in
taksa thi theite chu a tinung bawk ang.

Rom 8:11

Krista Thlarau Chu I Thinlunga Khawsa Turin Sawm Rawh

Tupawh Krista Thlarau nei lo chu amaha
mi a ni lo. Rom 8:9b

Isuan Naupang Tête Chu A Hmangaih



“Isuan min hmangaih ka hria, Baibulin min hrih si a.”

Tin, anmahni chu a kuanguah a, an chungah a kut nghatin mal a sawmsak ta a. Marka 10:16

Nimahsela Isuan anni chu a kova, “Naupang
tête ka hnenah han kaltir ula, hnar suh u;
Pathian ram chu hetiang mite ta a ni si a.

Luka 18:16

Chutiang bawkin heng mi tête zinga pakhat
boral pawh hi in Pa vana mi duhzawng a ni lo
ve.

Matthaia 18:14

Isuan tunge i nih, khawia awm nge i nih ti
lovin a hmangaih che a i tan a thi. Isuan i
hmangaihna a mamawh ve a, chu chu tihlan
tihlan theih nan Isua thu chu zawm rawh.

Nangnin min hmangaih chuan ka thupekte
chu in zawm ang.

Johana 14:15

Naupang takngial pawh a thiltihin a
intilang thin.

Thufingte 20:11a

Pathian Hnena Kalna Kawng Chu Engtin Nge Kan Zawn Ang

1. Misual i ni tih pawm rawh.

Mi zawng zawngin thil an tisual tawh vek a,
Pathian ropuina an chang zo ta lo a ni. Rom 3:23

2. Pathian hnenah Isua Krista hmangin kal rawh.

Pathian pakhat chauh a awm a, Pathian leh
mihring inkara Palai pakhat chauh a awm baw k a,
amah chu mihring a ni, Krista Isua chu.

1 Timothy 2:5

Chutichuan amaha Pathian hnena lo kalte chu
a tawpkhawk thlengin a chhandam thei baw k a ni.

Hebrai 7:25a


Isuan, “Tupawh ka hnena lo kal chu ka hnawt
chhuak tawp lo vang,” a ti a. Johana 6:37b

3. I sualte chu sim rawh.

Chuvangin in sualte thai bo a nih theih nan
sim ula, hawi kir leh rawh u. Tirhkohte 3:19a

Mi thenkhatin muanga an ruat angin Lalpa chu
a thutiam kawngah chuan a muang lo ve; tuma boral
duh lova, mi zawng zawng lo sim duhin, nangmahni
lamah a dawhthei a ni zawk e. 2 Petera 3:9

4. Isua hnenah i sualte chu puang rawh.



Kan sualte thupha
kan chawi chuan
kan sualte ngaidam
tur leh kan fel
lohna zawng zawng
tlengfai turin amah
chu a rinawmin a
fel a ni.

1 Johana 1:9

A hnuai rina awmah ṭawngṭai lai kut (phek 25 a mi) chhunga awm 1 Johana 1:9 chang chu ziaak rawh.

5. I sualte kalsan rawh.


Bawhchhiatna zêptute chu an hmuingil lo vang a, zêp lova inpuanga hawisantute chuan zahngaihna an hmu ang.

Thufingte 28:13

Sual kalsan la, thil ṭha ti rawh. Sam 37:27a

6. Isua Krista chu ring rawh.

I kain Isua chu Lalpa a ni tih i tan a, mitthi zing
ata Pathianin a kai tho tih i thinlunga i rin chuan
chhandamin i awm ang. Rom 10:9



Rinna avanga khawngaihnaa chhandam in ni;
Pathian thilpek pawh a ni; thiltih avang a ni lo ve,
chutilochuan miin an chhuang dah ang e.

Ephesi 2:8,9

Lalpa Isua ring la, tichuan chhandamin i awm
ang, nang leh i chhungte nen. Tirhkohte 16:31b

7. Isua Krista chu i thinlungah leh i nunna atan pawm rawh.

Nang chauhvin i thinlung kawngka hawnga Isua chu rawn lut tura sawm thei i ni.



Isuan, “Ngai teh, kawngkhar bula dingin ka kik hi; tupawhin ka aw hriaa kawng a hawn chuan a hnenah ka lût ang a, a hnenah zanriah ka ei ang a, ani pawh ka hnenah a ei bawh ang,” a ti a.

Thu Puan 3:20

Nimahsela amah lawm apiang chu, an hnenah Pathian fate nih theihna tur a pe, a hming ringtute chu.

Johana 1:12

Ṭawngṭai Kaihhruaina

I ṭawngṭai ngai lova ṭawngṭai tura puihna i mamawh chuan a hnuaia ṭawngṭaina chu entawn rawh.



Lalpa Isua,

Ka sualte phur tura Krawsa i thih avangin ka lawm e. Ka thiltih soal zawnz zawnzge chu pawl ka ti khawp mai. Ka thinlung chhungah chatuana nung turin ka sawm a che. Ka thinlung bawlhhlawh silfai turin ka rinchhan a che. Min tlantu leh Lal ropuiah ka pawm a che. Isua Krista hmingin, Amen.

I Thinlungah Isua I Neih Chuan, Chatuan Nunna I Nei Ang

Pathianin chatuan nunna min pe a, chu mi nunna chu a Fapaah a awm a ni. Fapa chu neitu chuan nunna chu a nei. 1 Johana 5:11b,12a


Tupawh ka thu hriaa mi tirtu ring chuan, chatuana nunna a nei tawh ... thihna ata a chhuak a, nunaah a lût ta zawk a ni. Johana 5:24b

I taksa a thih hunah chuan Lalpa hnenah i chawl ang (2 Kor 5:8). Krista nangmahniah awm hi ropuina beisei chhan chu a ni. Kolossa 1:27b

I sualte Isua hnenah ngaihdam i dil a Lalpa Isua Krista chu chhandamtuah i rin chuan, a hnuaiah i hming ziaak rawh.

Isua Hnung Chu Engtin Nge Kan Zui Theih Ang

Nitinin Baibul chhiar la, i nunna tanpuitu
Baibul changte chu i thinlung chhungah vawng rawh.



Pathian Lehkha Thu zawng zawng hi Pathian
thawk khuma pek a ni a, zirtir kawngah te, thiam
loh chantir kawngah te, zilh kawngah te, felna zirtir
kawngah te a sawt baw a ni.

2 Timothy 3:16

I Ṭawngṭainaah Englai Pawhin Isua Nen Inbe Rawh

I nunna a thil ṭha i hmuhte tan Isua chu lawm rawh. I thlarau chhantu leh engkim tihsaktu a nih avangin Isua chu fak rawh. I mamawh tinreng chu Isua Krista hmingin ṭawngṭai la dil rawh.



Engpawh a duhzawng anga kan dil chuan anin min ngaihthlaksak ṭhin a ni. 1 Johana 5:14b

Pa hnenah engpawh in dil chuan, keima hmingin a pe ang che u.

Johana 16:23b

... Inṭawngṭaisak tawn ṭhin rawh u ...

Jakoba 5:16

In hmelmate chu hmangaih ula, a tiduhdahtu che u chu ṭawngṭaisak rawh u. Matthaia 5:44b

Isuan A Hnung Zuitute Hnenah Ṭawngṭai Dan A Zirtir

Isuan a zirtirte hnenah hetiang a ṭawngṭai turin a hrilh.

Kan Pa vana mi, I hming zahawm rawh se. I ram lo thleng rawh se. I duhzawng vana an tih angin leia mi'n ti rawh se. Nitin kan ei khawpin chaw min pe ang che. Kan chung a thil tisu alu te kan ngaidam angin nang pawhin kan thil tihsual ngaidam ang che. Sual tura thlemnaah min hruai lût suh la, Mi sual lakah chuan min chhandam zawk ang che. I Ram te, i thiltihtheihna te, i ropuina te, chatuan ata a ni si a. Amen.

Matthaia 6:9b-13

He ṭawngṭaina hi i rilruah vawng rawh. Ringtuten he ṭawngṭaina hi ring taka a ruala sawi tur a ni.

Pathian Thu Sawm Pek Hian Kan Nun Dan Tur Min Zirtir

A hmasa ber pali hi Pathian kan hmangaih thu a ni.

1. Keimah lo chu Pathian dang reng reng i nei tur a ni lo.
2. Milem siam chawp leh thil, a anpui reng reng – chung lem vana mi emaw, hnuai lam leia mi emaw, lei hnuai lama tuia mi emaw – i tan i siam tur a ni lo: chung chu chibai i buk tur a ni lo va, an rawng i bawl tur a ni hek lo.
3. Lalpa i Pathian hming chu i lam mai mai tur a ni lo.
4. Chawlhni hi thianghlim taka serh tur a ni tih hre reng rawh.

A tawp ber paruk hi mihring kan hmangaih thu a ni.

5. I nu leh i pa chawimawi rawh.
6. Tual i that tur a ni lo.
7. I uire tur a ni lo.
8. I ru tur a ni lo.
9. I vêngte chungah hretu derah i insiam tur a ni lo.
10. I vêngte chhungte chu i awt tur a ni lo.

**Pathian Thu Kan Zawmna Hian Kan
Tawngtaina Chu Chhanna Min Pe**

Tichuan a thupekte kan zawm a, a mithmuha
thil lawmawm kan tih thin avangin, kan dil apiang
a hnen ata kan hmu zel thin a ni. 1 Johana 3:22

Pathian Thupek Ropui Pahnih

Pathian Hmangaihna

Isua chuan a hnenah, “Lalpa i Pathian chu i thinlung zawng zawngin, i thlarau zawng zawngin i rilru zawng zawngin i hmangaih tur a ni. Chu chu thu pek ropui leh pawimawh ber a ni,” a ti a.

Matthaia 22:37,38

Mihring Hmangaihna

Tin, a dawttu, a anpui chu hei hi a ni, “Nangmah i inhmangaih angin i vengte pawh i hmangaih tur a ni,” tih hi.

Matthaia 22:39

Pathian Thu Sawm Pek zawng zawng chu he thupek ropui pahnihah a tel a ni.



Hmangaihna Hi Engkimah A Ropui Ber

Mihring ɬawngte leh vantirhkoh ɬawngtein thu sawi mah ila, hmangaihna ka neih si loh chuan dâr, ri mai mai emaw, dâr benthek, ri mai mai emaw ka lo ni ang. Tin, thu hrilh theihna neiin, thuruk zawng zawng leh hriatna zawng zawng hre vek mah ila, tlang sawn theihna khawp hial rinna famkim nei mah ila, hmangaihna ka neih si loh chuan engmah ka ni lo vang. Tin, mi retheite châwm nan ka sum zawng zawng pe vek mah ila, ka taksa pawh kâng turin inpe mah ila, hmangaihna ka neih si loh chuan ka tan engmah a sawt lo vang. Hmangaihnain a dawhthei a, ngil a nei baw ɬin; hmangaihnain a itsik lo va; hmangaihna a infak lo va, a uang lo va, a che mawi lo lo va, mahni hma a sial lo va, a thinur duh lo va, sual lamah a ngaihtuah lo va; fel lohnaah a lawm lo va, thutak erawh chu a lawmpui ɬin a; engkim a tuar hram hram a, engkim a ring a, engkim a beisei a, engkim a tuar chhuak ɬin. Hmangaihna hi engtikah mah a reh lo vang; amaherawhchu thu

hrilhnate hi awm mah sela tihbân a la ni ang a,
ṭawng hriat lohte hi awm mah sela a la bâng ang a,
hriatna hi awm mah sela tihbân a la ni ang.

Chutichuan heng pathum, rinnate, beiseina te,
hmangaihna te hi a awm reng ang; hengahte hian a
ropui ber chu hmangaihna hi a ni.

1 Korinth 13:1-8, 13

Pathian Chu Hmangaihna

Pathian chu hmangaihna a ni; hmangaihnaa
awm reng chu Pathianah a awm reng a, Pathian
pawh amahah a awm reng a ni.

1 Johana 4:16b

Isuan Mi Hnena Chanchin Tha Hril Turin A Duh Che

(Inah te, Sikulah te, Biak inah te leh hmun tinah)



Isuan, “I inah i thiante hnenah haw la, Lalpan i
tan thil a tihsak che hi a ropuizia leh a khawngaihzia
che hi va hrilh rawh,” a ti a.

Marka 5:19b

Pathian Fapa Dik Tak Chu Engtin Nge Kan Hriat Theih Ang

Chuvangin anmahni chu an rahah in hre mai
ang. Matthaia 7:20

Thlarau rah erawh chu hmangaihna te, hlimna
te, remna te, dawhtheihna te, ngilneihna te, thatna
te, rinawmna te, thuhnuairawlhna te, insûmtheihna
te a ni zawk e. Galatia 5:22, 23a

Pathian Fapa Dik Tak Chuan Mite A Khawngaih

Mi an bawhchhiatte in ngaihdam chuan, in Pa
vana miin a ngaidam ve ang che u. Matthaia 6:14


Pathian Duh Loh Thil Pasarih

Mit chapo te, lei daw thei te, pawî khawih lo
thisen chhuahna kut te, thil tha lo suangtuah thin
thinlung te, pawî khawih tura ngalchak te; hretu
der dawt sawi thin te, unau kara inrem lohna tuhtute
hi. Thufingte 6:19-21

**Thlarau
rahte**

**Tisa Thils
Tihnte**

**TISA THILTIHTE
CHU:**



“... Inngaihna te,
bawlhhlawhna te,
hurna te, milem biak-
na te, dawithiamna
te, huatna te, inhauna
te, thiknate, thinurna
te, inkhinna te, awm
hranna te, rin hranna
te, itsikna te, zu
ruihna te, zu hmun

hlimna te, chutiangte chu ... Chutiang thil
tih hmangete chuan Pathian ram an chang lo
vang.”

Galatia 5:19-21

“... Uirête emaw ... rûk hmangete emaw, mi
duhâmte emaw.”

Korinth 6:9,10a

Isua Chu I Taksa Thlarauva Thuam Turin Leh Ti Thianghlim Turin Sawm Rawh


Tin, nangni thenkhat chutiang mi in nih
thin kha; nimahsela Lalp Isua Krista hmin-
gah leh kan Pathian Thlarauvah tlenfai in
ni tawh a, tihthianghlim in ni tawh a, thiam
chang in ni tawh.

1 Korinth 6:11

Meidil Chu A Taka Awm Hmun A Ni

(Luka 16:19-26 chhiar rawh)

Isua Krista i rinna chu infiah rawh. Ani chuan a Nunna Buah i hming chu a ziaak dawn si a.



Tu hming pawh Nunna Bua ziaak an hmuh loh chuan mei dilah an paih bawh ang.

Thu Puan 20:15

Isua Chu Pathian Hnena Kan Kalna Kawng Neihchhun A Ni

Pathianin chatuana nunna min pe a, chu mi
nunna chu a Fapaah a awm a ni. 1 Johana 5:11b


Sual man chu thihna a ni si a; Pathian
thilthlawnpek erawh chu kan Lalpa Krista Isua zarah
chuan chatuana nunna a ni. Rom 6:23

Tupawh Fapa ring apiangin chatuana nunna an
nei tawh; nimahsela tupawh Fa thu awih lo apiangin
nunna an nei lo vang a, Pathian thinur an chungah
a awm reng zawk a ni. Johana 3:36

Isuan a hnenah, “Keimah hi kawng leh thutak
leh nunna ka ni; keimaha kal lo chu tumah Pa
hnenah an thleng ngai lo,” a ti a. Johana 14:6

Van Ram Chu A Taka Awm Hmun A Ni

Thupuan bung 12 ah Johana chuan van thar leh lei thar chu a hmu.



engkim ka siam thar e,” a ti a. Thu Puan 21:4,5a

Johana chuan khawpui thianghlim Jerusalem thar - van khawpui leh Pathian hnen atanga lo chhuak chu a hmu baw.

“Khua chu dâthlalang thianghlim ang maia rangkachak thianghlina siam a ni. Chu khaw kulh lung phûmte chu lung man tam chi tinrenga cheimawi a ni.

Thu Puan 21:18b, 19a

Isua Chu Amah Ringtute Tan Hmun Nuam Tak Siam Turin Vanah A Chho Ta

In thinlung mangang suh se; Pathian in ring e,
kei pawh mi ring ve rawh u. Ka Pa inah awmna
tam tak a awm a, a awm loh chuan ka hrilh tawh
tur che u a ni; in tan hmun siamin ka kal dawn hi.
Tin, in tan hmun ka han siam chuan ka lo kir leh
ang a, ka hnenah ka la ang che u; ka awmnaah
nangni pawh in awm theih nan. Johana 14:1-3

He Chanchin Tha Hi Mite Hnenah Hrilh Rawh

Isuan, “Khawvel zawng zawngah kal ula, thil
siam zawng zawng hnenah chuan Chanchin Tha hi
hrilh rawh u,” a ti a. Marka 16:15b

Mi fing chuan mi rilru a hneh thin.

Thufingte 11:30b

Pathianin A Fate Hnena A Thutiam Te



Engtikah mah ka thlahthlam
tawp lo vang chia, kal pawh ka
kalsan tawp lo vang che.

Hebrai 13:5b

I kawng tinrenga
humhim tur chein, i chung
thuah zawng a vantirhkohte
chu thu a pe dawn si a.

Sam 91:11

Tuman Pa kut ata chu an chhuhsak thei lo vang.

Johana 10:29b

Kei kumkhuain, khawvel tawp thleng pawhin,
in hnenah ka awm zel ang.

Matthaia 28:20b

I tuar turte hi hlau suh. Thih thlengin rinawmin
lo awm rawh, tichuan nunna lallukhum ka pe ang
che.

Thu Puan 2:10

Thima ka thut pawhin Lalpa chu kan tan eng a
ni ang.

Mika 7:8b

Mi au la, ka chhang ang che.

Jeremia 33:3a

Isua Chu A Lo Kal Leh Dawn A Ni



Mitinin thihna ata
thawhlehma an hmu ang.

A hun a thleng dawn
ta, chutih hunah chuan
thlâna awm zawng
zawngin a aw an hria ang
a, an chhuak vek ang; thil
tha titute chu nunna
changin an tho leh ang a,

thil sual titute chu thiam loh changin an tho leh
ang.

Johana 5:28b,29

Kristaa thite chu an tho hmasa ang.

Chu mi hnuah chuan keini nunga lo la awm
rengate hi boruakah Lalpa hmuak turin anmahni
rualin chhûm zingahte khian lak chhohvin kan awm
ang. Chutichuan kumkhuain Lalpa hnenah kan
awm tawh ang.

1 Thessalonika 4:17

Inring renga awmin tawngtai rawh u; a hun chu
in hre si lo va.

Marka 13:33b

Isua Chu Engtin Nge A Lo Kal Leh Ang?



Ngai teh u, ani chu chhûmte
nen chuan a lo kal dawn e; mit
tinrengin a hmu ang a.

Thu Puan 1:7a

Krista lem chang leh
puithiam derte chu fimkhur
tur a ni.

“Tupawhin in hnenah, ‘En
teh, Krista chu heta hi a
awm,’ emaw, ‘Heta hi,’ emaw, an tih chuan awi
suh ang che u. In hnenah, ‘Ngai teh u, thlalêrah
a awm,’ an tih che u chuan, kal chhuak suh
u; ‘Pindan chhungrilahte a awm,’ an tih che u
chuan, awi duhsuh u.”

Matthaia 24:23b,26b

Isua Chu Van Chhum Zing Ata Rang Takin A Lo Kal Leh Ang

Kawl, chhak lamah a lo phe chhuak a, thlang
lam thleng pawhin a lang `hin a, Mihring Fapa
lo kal lehna chu chutiang chu a ni dawn si a.
Chumi hunah chuan leia chi tinin ... Mihring Fapa
hi thiltihtheihna leh ropuina nasa tak nen van
chhûm chung a lo kal an hmu ang.

Matthaia 24:27,30b

Beram Vengtu Sam

Lalpa chu mi vengtu a ni a; ka tlachham lo vang.
Ani chuan hlobet hring dup hmunahte mi bawhtir
thin a: chawlhna tui kamahte mi hruai thin. Ka
nunna hi mi siam that thin a, ama hming avangin
felna kawngahte mi hruai thin. A ni, thihna hlim
kawr ruam zawh mah ila, thil tha lo reng reng ka
hlau lo vang; nang ka hnenah i awm si a; i talhtum
leh i tiangin mi thlamuan thin a ni. Mi dotute mit
hmuhah ka hmaah hian dawhkan i buatsaih thin a;
ka lû hi hriak i thih tawh a, ka novah hian a liam
reng a. Matheilovin thatna leh ngilneihnain ka dam
chhung zawng hian mi zui zel ang a: tichuan Lalpa
inah kumkhuain ka awm reng ang.

